

UTABIRI WA HALI YA WINGI WA MAJI KATIKA MTO RUVU KWA KIPINDI CHA APRILI HADI JUNI, 2026



Imeandaliwa na;

**Bodi ya Maji Bonde la
Wami/Ruvu**

P.O. Box 826, Morogoro—Tanzania

Phone: 0800114031 / 0800114032


E-mail barua@wrbwb.go.tz

Website: www.wrbwb.go.tz

Machi, 2026

1. UTANGULIZI

Bodi ya Maji Bonde la Wami/Ruvu imeandaa na kuwasilisha utabiri wa hali ya wingi wa maji katika Mto Ruvu (**Kielelezo Na.1**) kwa kipindi cha Mwezi Aprili 2026 hadi Juni,2026 ili wadau wa Mto Ruvu katika sekta ya Kilimo, Mifugo na Uvuvi, Ujenzi, Viwanda, Utalii na Mamlaka za Maji Safi na Usafi wa Mazingira waweze kujua hali ya mwenendo wa wingi wa maji. Aidha, utabiri huu umezingatia utabiri wa hali ya mvua na Joto kutoka Mamlaka ya Hali ya Hewa Tanzania (TMA) kwa kipindi cha Mwezi Apili hadi Juni, 2026¹.



1.1 ATHARI ZINAZOWEZA TOKEA

Uwezekano wa kiasi cha maji kuwa juu ya wastani wa muda mrefu (2009-2024), hali inaweza kusababisha yafuatayo;-

- i. Uharibifu wa miundombinu na mali katika Mikoa ya Morogoro na Pwani.
- ii. Kuchelewesha utekelezaji wa miradi ya ujenzi ikiwemo ujenzi wa mabwawa, Barabara, miradi ya maji katika Mikoa ya Morogoro na Pwani
- iii. Kujaa kwa maji katika makazi ya watu wanaokaa karibu na vyanzo vya maji au mabondeni

¹ Taarifa ya Mwelekeo wa Mvua zilizotolewa na Mamlaka ya Hali ya Hewa Tanzania

Effective Date: 05th Jan, 2026


2. UTABIRI WA HALI YA MAJI

Utabiri wa hali ya wingi wa maji katika Mto Ruvu umefanyika kwa miezi mitatu ijayo kuanzia Aprili -Juni,2026 kama inavyoonekana katika Jendwali Na. 1; -

Jendwali Na. 1: Utabiri wa hali ya wingi wa maji Mto Ruvu.

Jina la Mto	Utabiri wa Hali ya Wingi wa Maji	Kielelezo
Ruvu	<p>Utabiri unaonyesha mwelekeo wa wingi wa maji katika Mto Ruvu kwa kipindi cha Mwezi Aprili – Juni, 2026 utakuwa Juu ya Wastani hadi wastani ukilinganisha na wastani wa muda mrefu (2009 – 2024) kama inavyoonekana katika Kielelezo. Aidha, Utabiri unaoyesha kiasi cha maji kilichopo kwa sasa na baada ya miezi mitatu (Aprili 2026 - Juni 2026) kitatosheleza mahitaji ya sekta tajwa hapo juu ambayo ni mita za ujazo sita (6) kwa sekunde.</p>	

Utabiri unaonyesha kwa Kipindi cha Mwezi Aprili -Juni, 2026 wastani wa ujazo wa maji utafikia mita za ujazo milioni 844.7. Ujazo huu ungeweza kujaza Bwawa la Kidunda yenye uwezo wa mita za ujazo Milioni 190 kwa asilimia 100 kama Ujenzi wa Bwawa ungekuwa umekamilika.



3. USHAURI

Bodi ya Maji Bonde la Wami/Ruvu inazishauri sekta za Kilimo, Madini, Ujenzi, Utalii, Ufugaji na Uvuvi, Viwanda na usambazaji maji majumbani kuzingatia mambo yafuatayo; -

a) Mamlaka za Maji Safi na Usafi wa Mazingira Mjini (UWSSA) na Wakala wa Maji Safi na Usafi wa Mazingira Vijiji (RUWASA)

Bodi inazishauri Mamlaka na Wakala wa Maji Safi na Usafi wa Mazingira kuanza kuchukua tahadhari za mapema dhidi ya upungufu wa maji utakaojitokeza na kupelekea uhaba wa upatikanaji wa maji safi na salama kwa siku zijazo katika maeneo yao ya huduma.

b) Kilimo

Bodi inashauri sekta kufanya mambo yafuatayo; -

- i. Kuvuna maji ya mvua kwa kutumia mabwawa yaliyojengwa/yanayojengwa ili kuyahifadhi maji mengi kipindi hiki na kuyatumia kipindi cha kiangazi kwa ajili ya umwagiliaji
- ii. Wakulima wanashauriwa kuzingatia ushauri wa Maafisa Kilimo juu ya umwagiliaji wa mazao katika maeneo yao kwa kuzingatia kalenda ya umwagiliaji.

c) Ufugaji na Uvuvi

Bodi inashauri sekta kuchimba malambo ili kuhifadhi maji katika kipindi hiki cha maji mengi cha Mwezi Aprili hadi Juni, 2026 ili yatumike kipindi cha kiangazi kunyweshea mifugo. Pia, wafugaji wanashauriwa kupanda majani ya malisho kwa kuzingatia ushauri wa wataalamu wa mifugo katika maeneo yaliyotengwa kwa ajili ya mifugo katika mpango wa matumizi bora ya ardhi zilizopo katika Halmashauri za Wilaya. Uvuvi wa kutumia sumu katika vyanzo vya maji hauruhusiwi.

d) Madini

Bodi inashauri Sekta ya Madini na Halmashauri za Wilaya kuhakikisha uchimbaji na uchenjuaji wa Madini unafanyika nje ya vyanzo vya maji ili kulinda ubora wa maji kwa watumiaji mbalimbali.

e) Ujenzi

Bodi inasisitiza sekta kuchukua tahadhari dhidi ya kiwango cha maji kilichopo kwa miradi inayoendelea kutekelezwa ikiwemo Mradi wa ujenzi wa Bwawa la Kidunda ili kutokuathiri utekelezaji wa mradi Pamoja na usalama wa mradi kwa ujumla.

4. HITIMISHO

Bodi itaendelea kufuatilia kwa ukaribu zaidi hali ya wingi wa maji katika Mto Ruvu kwa kufanya utabiri wa vipindi vifupi vya kila baada ya siku kumi na kuwahabarisha wadau wake ili waendelea kuchukua hatau za tahadhari dhidi ya kuongezeka/kupungua wingi wa maji utakaoweza kujitokeza.